

人物志

義行

郭元振傾資周急范堯夫遺舟助喪雖云情不容已豈非質直好義哉然任恤是周惠施里黨唐俗雖勤儉於此風何多讓焉載稽往籍湮沒者固衆近世如保國之捐置學田峻烈之樂輸賑粟或濟饑寒或全名節以及修廢舉墜見義必爲者悉爲載之庶輕財好施之行則踵相接也志義行

田本

性實直篤於行義好施雅爲鄉人推服
人有爭辯多質於本必戒飭之不少貸
故人有爲非者多懼本知而止時擬
之王彥方焉有司鄉飲屢延爲上賓
性剛方好義產比素封濟人之急卽傾
廩不吝也嘗訓二子寅密曰吾家自先
世以來無可言者但於禮義廉恥孝弟
忠信八字不敢傷耳及密成進士爲西
安令頻行囑之日汝幸試爲吏矣清白
貪污惟汝自擇若歸裝時俸資外有一

王鎮

長物必勿見我密遵戒命故
歷三令尹一御史如爲士時

李彥達

始以祖謫成家甚貧彥達性孝友治生
有方嘗與王經祝明爲賈友經明俱早
卒彥達悉撫其子如己子爲擇師教之
經婦汪氏得以全其節明子天保得以
成進士知縣張天祿有商
人士行之褒賓於鄉飲云

以上
舊志

郭攀明

唐山人善事繼母尊禮諸兄撫育猶子成名尤好施予資婚助喪凡出貸莫償者屢次焚券至捐助遼餉尤見公忠之氣

孟一任

增生唐山人家貧舌耕供甘旨能色養一門四世雍和無間言曾拒淫奔人稱魯男襟懷高爽又比之叔度舉介賓

王廷輔

唐山人有至性少時謁蹶養親鄉黨稱孝中年勤儉起家自奉泊如而敦族睦鄰周恤婚喪不計貨費冬日遍詢鄉里無衣被者死無棺者咸給之歲將除散給鄉里米麥自一斗至三五斗不等歷久不倦雍正元年八月十九日晨起隆邑趁墟路拾遺金五十兩青錢三千文坐候本人覓至交還鄉家欲鳴縣獎勵

因卻之其陰行善類此他如捐金修文廟平道途濟貧儒不可枚舉卒年七十有一盡

焚借券

郎保國

武生爲人倜儻不羣慷慨好義凡事闕學校者無不竭力勸辦一子元箸入邑庠性好施能繼父志於崇禎七年父子商議願施學田五十二畝地段座落鎮在邢村界明倫堂前現有碑碣可考

王令儀

字慎威乾隆年歲貢性明決排難解紛閩鄉數十年無爭訟

孟鳳翔

字千仞恩貢生家貧誦讀不輟慷慨好義道光辛巳同邑馮生赴都鄉試寓

一樓時值瘟疫流行傳染瀉死者無算馮病不起每起馮鳳翔扶持晝夜數次馮言累君甚尤慮傳染儻愈何以報德答曰生死命也同患難義也儻病而不

前倫常中何貴有朋友靜養無過慮後
馮貲盡醫費鳳翔還之不少吝兼善

黃歧濟
人甚夥

戴瀾

康膳生性直正好博古屢試秋闈不捷
欲振興文教因保障南門舊有文昌閣
係文星久圯無以勵士氣遂倡修除倡
捐多金外復多方婉勸鳩工庀材徹底
重修屹然爲一邑之巨觀其子倚衡中
己卯科舉人任成安縣教諭咸謂好善
報之

李久照

字化成拔貢生設教多年成就四十餘
人咸稱孝廉方正好排難解紛有爭訟
經其理論悉
平鄉賴以安

羅良

字峻烈生員性慷慨好義乾隆二十年
助賑百石遇捐倉咸踴躍爲倡鄉族有

貧乏竭力周恤無吝惜縣公顧廷璠顏
其門日樂善好施子儒術入邑庠孫景
煒入府庠曾孫培元歲

貢生至今書香不絕

王芳

字聞遠邑增生天資明敏賦質篤厚九
歲失恃事母至孝十九入泮家素殷實
好憐貧寒士多資栽培嘉慶癸酉年饑
米珠薪桂與其堂兄庠生王翰煮粥濟
貧自春至秋放粥三月有餘鄉民賴以
存活至助婚賻喪排難解紛諸義舉遠
邇推服顏其門日德邁羣倫知縣童公
舉爲鄉飲大賓顏其門日庠門矜式節
歲貢王珉賀王先

生榮膺大賓友

李清新

字懷白邑庠生千言村人處家孝友待
人忠厚於乾隆五十七年歲大饑民多
餓死清新出己粟以濟貧一鄉賴活者
甚衆遇鄉中葬殯乏資者悉周之年終

有貧難舉火者亦周濟均不望報並有代人償債焚券等善事不可枚舉子峰邑庠生廉靜寡營不經事務惟以史自娛孫元亨郡增生重義輕財好友樂施咸謂有祖父風曾孫丕字紹堂貢生未冠入泮時曾祖父四世同堂清新八十二歲無疾而逝人咸稱厚德之報

劉遂服

字心容庠生彭村人乾隆五十七年大饑遂服糴米濟鄉半載有餘鄉民賴活者衆鄉人因稱爲善人云

張蘭

字有香武舉田村人性慷慨乾隆五十七年歲荒蘭施白米數十石濟貧無德色後子孫衆多咸稱頌

李鍾

字鳴遠太學生木花人事母孝待人厚端方性成退邇推服先後外欠帳債悉

焚券不追及晚年始生

二子咸稱積德之報

郭憑

字碩德干言村人事親以孝聞待人和厚處鄉排難解紛鄉鄰鮮有與訟者歿

後人猶感

慕不忘

宋名山

字振宇文生北樸村人賦性仁慈好善樂施城鄉每有善舉悉出力勸導以襄其事子二振風清風成入

邑庠年八十二歲而歿

盧煥

字一新邑武生急公好義凡興作多資其經理如修文廟城隍龍王八蜡等廟祀典所關必竭力籌辦修書院城郭及團練放粥諸公事亦不辭勞年八旬凡辦公事不倦於勤知縣詳請獎九品職銜

李致中

樸實無文然諾不苟幼貧及長漸裕好輸舍親朋無力婚葬輒傾囊相助自奉

儉約攻子弟讀書不惜資財子二汝玉
汝琦俱入邑庠孫書田亦入邑庠年八
十餘知縣續公申請

恩賜九品壽官

施文輝

壽官性好施予本鄉舊有老君堂傾圮
獨出己貲重修年八十餘子考祥入泮
儒學給子扁額

日典重引年

陳祥麟

字玉書邑武生至性孝友氣質剛方與
諸兄析產擇沃地及存錢舖店均給兩
兄而已受礮薄者人謂有薛包遺風本
族家廟有餘資卽分給族中窮民而無
告者而已不染指姪際春入庠子達春
食餼次子陽春中庚午舉人現選義州

學正

郎好學

字近智拔貢生性狷介幼家
貧不廢讀鄉里有長者之稱

陳五名

字顯親壽官耕讀爲業一生以非義之舉雖小不爲每以安分勸勉同鄉年八十五歲知縣英公顏其門曰望重英耆

張光前

字裕後廩生天資聰敏家雖貧而學不輟平生藹然可親人皆樂與之交遊有爭鬪者婉言勸諭白是非人咸畏敬

任之紀

字肇修恩貢生性和平好學安貧鄉中有糾纏難了之事多方勸釋咸稱爲長者課生徒多有成就歲試每列前茅

李清直

字方也號古愚邑廩生爲人方直豁達明大義昆季四人極友愛分產時清直以兄清操子女多片外著兄多分地四十畝莊基一所諸弟從之

張廷剛

監生少雖貧而性情豁達不羈後漸裕以忠厚待人不輕然諾同治年間歲歉

收差務繁重鄉民苦之廷剛出己貲貸
墊光緒四年歲大饑輸糧十數石賑鄉

闔村顏其門

曰德洽鄉里

李建瓴

邑庠生西良村人賦性剛直持己方正
待人嚴肅能庇護柔懦良民鄉中無賴

輩咸潛跡

不敢煽動

武從林

字生山生員西良村人自幼慷慨好施
設武學有貧而欲就功名者悉代薪水
學之成就甚衆貧不能婚葬者周恤無
怠容處鄉常捨牲於門以待鄉中貧而
無牲者之耕種遇年少乞丐必令飽食
勸改行後適邢鎮遇一人慰門殷勤詢

其姓字迨翳桑餓人也生平義

行不勝枚舉卒年六十八歲

卜汝琦

字珍玉邑庠生安塚村人好學不輟至
五十二歲入泮行止端方不苟居家孝

友居鄉

忠厚

卜桂芳

字枝香安塚村人七十九歲急公好義幫辦團防出力給子六品職銜

孟慎

字謹言南汪店人忠厚老成道光二十五年蒙恩賜九品職銜

孟中魁

字貴重南汪店人慷慨容忍光緒二年恩賜價侏國瑞

呂自明

字復初崇賢村人能忍好施本鄉重修石橋倡衆不惜財力庀材鳩工人稱利

濟蒙恩賜致仕

郎年八十七歲卒

王禮

字用和南汪店人性好施鄉閭有飢寒者輒周急居家仁睦年八十卒

常金鳴

字謹慎崇賢村人爲人忠正孝慈年八十四卒

李協

字騰輝監生高村人爲人忠厚正直好施

韓泗山

干言村人字樹德僑童性孝友睦鄉敬友排難解紛親友屬其門曰華實並茂

尙興譽

大千言人字震遠附貢生性闊略好輪舍家業中落澹如也子寬培生孫開泰

廩生成謂

好施之報

張諧

雙碑村人字和律廩生性和平尙義鄉里咸以爲矜式排難解紛人多樂從

張據德

字執巷庠生性明敏好義年沐冠同長兄次兄三人同場入泮分產後家業少

裕事父母養葬皆自備並撫姪等讀書自備膏火均賴成立至交友處鄉爽愷

好施處至今

猶噴噴人口

郭石麟

東良村人字上遊庠生天資明敏豁達好施與鄉有不能婚嫁悉周之窮不能

舉火者卽給衣食無德色後子孫蕃衍壽八十餘無疾而終咸謂厚德之報

李有財

字廣施性純篤孝友鄉里咸推厚德子二長德慎次德潤咸入泮壽八十二歲

孟成義

東賈村人性慷慨好義有欠債者極貧慮難償私計賣妻以償成義知急止之曰錢償細故夫婦大倫何因我債而爲此不情之舉且吾已七旬無子多積何益遂對貧者焚券復給糧米以周之後貧者得二子成義七十餘亦得一子人咸謂爲善之報

羅景煜

字耀彩武童舉耆賓性孝友好施生員羅良孫邑庠羅儒術子也父性好義縣王童公甚敬重之及老得胃症景煜取藥百里外日夜兼程匍匐而歸父嘆曰誠孝子也咸豐間鄉有一大案拖累平民受累者衆景煜和解理說月餘乃息計進城七十餘次在事巾者皆銜之而景煜無德色縣主劉月池曰一鄉

賢士也凡族中有乏嗣者公殯葬之贖
有餘產或歸姪輩或歸近族不爲子孫

私之

馬存敬

澤畔村人字賓南邑庠生性正直慨慷
好義有疑難大事每就決之嘉慶年間
邑中鹽嫌地最多而澤畔寺莊二村尤
甚村民賠累幾難存活存敬設法豁除
糧租幾三百兩二村窮民賴以安
度功德及人至今猶藉藉人口

陳繼學

景福人武庠生平生好直尚義居鄉恤
貧濟衆教授生徒講論真切賴成名者
十數人內有擢武科者均
不受脩金謝儀咸稱厚德

李遇豐

彭村人字聲明衛千總銜性渾樸好義
遇凶年周恤貧乏傾廩不吝鄉有義舉
樂施舍同治初年修文廟捐大錢壹百
千文修郡內耆耨捐大錢五十千文諸

善事不可枚舉
其門日望重干城

李遇新

字丕煥由庠生恩賜五品銜遇豐弟也性孝友父歿與兄同爨事母以孝聞

兄歿養嫂撫姪雖困極而不以爲累籌兵項捐錢貳百五十千文光緒三年辦平糶捐錢五十千文前縣顏其門日紫陞恩榮

李青雲

干言村人庠生弟興邦武生兄弟和睦忠厚待人好善慕德鄉里重之

曹殿魁

字占元郡庠生慨慷好施捨繼承祖業五世同堂

戴士衡

南關人從九品職精數學堪輿家咸推神手故臨邑顏其門日郭璞遺風同治

初年重修文廟倡捐大錢壹百千文急公好義不可枚舉

王緒

字繼翁南關人性友愛尚義邑中修文廟捐錢壹百千歲饑周濟里黨稱之

張照湛

廩貢生慷慨好施捨邑中修文廟捐錢壹百千凡修橋建廟各出重貲

李元德

韓解村人性好施邑中修文廟捐錢壹百千周恤里黨無德色

高文

字從周庠生長村人性孝友好施予凡村中有義舉無不竭力籌辦咸以善人

稱之

按邑俗矜節尚義而又習燕趙慷慨之氣其間輕財急公正自不乏恐有隱佚未載之憾卽如

庠生王漢章修

聖廟捐錢壹百千文武解元

田廣玉監生路煥光劉步雲劉漢章民人李夢

花劉青雲等修

聖廟均出錢數千文助工

均可載入但或生不立傳或無實事可考姑先
書於義行後迨年久論定再爲續入

人物志

隱逸

天爲天下生才遺大投艱將以效用也曷取乎
隱逸然唐虞之世亦有巢由商周之時不少務
光易曰高尙其志又曰肥遯無不利若夫優游
歲月得寄情山水託興狂歌以自高其節而又
足以見人才之無處不有無品不備焉如必以
其未嘗見用而少之將免且之詩可刪考槃之
什可逸矣果能得性情之真雖不見用於世而

高風亮節可使貪夫廉懦夫立是大有功於名教也洵足傳也志隱逸

徐景雒

字仰止性孝友恬澹自適少而奇貧勵志讀書產不事雖終口一餐未嘗

或輟十九歲入泮文名籍甚二十八食餼主司每器之拔居前茅三十九歲丙子舉於鄉益自攻苦恂恂無異諸生歲值荒歉人不聊生公嘗以官府周卹所得用濟鄉里之貧乏者公寡言笑器宇凝重望之者莫不起敬而公實平易近人也自甲申寇變杜門不出清初屢被徵辟不就雖冬一裘夏一葛泊如也老而益壯每元旦長至謁公祖父母於公署人見其敦厚老誠獨存古道輒相與嘆息至有泣下者以爲前輩風流賴以不墜優游三十年除課子孫治田園

外未嘗輕與人間事人有勸公仕者辭
以才與俗違或勸公著書辭以才不逮
古人跡其雅志貞操終身一節雖晉處
士陶淵明曷多讓焉至葬外父母以禮
撫鄰孤李振奇如己出拔宗姪女於沈
淪贖內姪李虎於沙門種種善狀則又
指不勝屈矣享

年八十三歲

陳大綸

字六符幼警敏有奇氣成童補邑弟子
員爲文博大沈雄每試主司皆深器之
讀書至古忠孝大節輒喟然嘆息遇事
慷慨有爲邑中公私利弊率先爲之言
闔邑至今蒙其福中崇禎己卯科順天
鄉試時方大用期之甲申之變絕意公
車齋志

以歿

張尊美

字欽五天資穎異幼爲文詞氣警恬識
者皆知爲偉器每講習之暇好與同學

論古今人物遇某某孝友者則作色起敬若欲從之蓋其賦性然也年十九補郡庠生每試輒列前茅郡邑守令無不刮目者時際荒歉公與其弟賓臣公侍奉太母四壁蕭然奮志攻苦雖衣結囊空日不再食而依依膝下未嘗失雍穆之風焉每冬夜嚴寒太母率兩婦張燈紡績公兄弟長被相與就燈讀書終夜不倦夏則讀書於蕭寺汗流霑地不握扇太母復以紡績所得易薪米以供公費公秉箸流涕曰子不能榮母而反勞母力以自飽耶太母慰之曰吾兒至性如此三牲五鼎計日至矣由是日益屏絕人事潛心文藝未幾而兄弟相繼食隸焉時值同鄉趙問源先生林居公兄弟出其所爲文求正問源先生大異之使其子懷式從游於公因令鄉邑諸生大立文會每題必以公文爲冠於是

遠近無不以名士相推者甲午公車賓
臣公舉於鄉而公亦是年錄科高等補
太學生棣萼聯輝人皆以爲孝友之報
云自是家道雖云稍支而公之勤儉
家詩書教子固無異於貧賤時也時太
母年高多病公孺慕過人不忍遠離膝
下以此遂無意進取而以家務爲己任
俾賓臣公得以專心舉業戊戌之役高
步曲江蓋公友于之力居多也時功
令三途並用公以拔貢例選別駕人勸
公仕公曰不佞以老母景值桑榆科第
不爲况貢選哉是亦足以見公之重內
而輕外矣後賓臣公知醴陵事家門百
口悉以委公公處置有方文錢寸帛未
嘗或私終公之世同牢共爨人以爲張
公藝再見云及遐升之日遠邇嘆息

人物志

忠烈

君子不草腐以苟沒豪傑不尸贅以虛存成仁
取義皆英雄本色而置富貴身家於不問者也
士大夫乘時而出爲名臣爲良將非徒食君之
祿偷息苟安者可比及一旦變起非常計不返
顧光明揭日月浩氣壯乾坤如常山之舌椒山
之疏何忠心烈魄直蟠結於高天厚地之間而
獨成其是如此哉况乎身處草茅責無官守白

刃當前須與人鬼人皆狼奔鼠竄之不暇而若
人能義形於色奮臂長呼必一死以明其志其
英風懍懍忠盡共矢者何堪泯滅也志忠烈

劉興邦字

邑庠生張村人性忠直僮不羣

咸豐三年八月間粵匪由南北竄過其里賊衆
以其貌魁偉推爲首興邦不從卽單身赴敵立
殺數賊後以衆寡不敵被賊衆擁至隆平縣火
神廟前仍飴之降興邦猶罵不絕口遇害

邑

侯劉 羨其忠勇顏其門曰理得心安

張瑞珍字祥甫南張莊人咸豐壬子科武進士藍翎侍衛自幼膽力過人善騎射性尤孝友因告假終養鄉居同治二年流賊南北奔竄村莊被蹂躪者居多鄉衆與瑞珍議守瑞珍慨然以爲己任詎三月間賊自北南竄哨馬突至村邊瑞珍率數村鄉兵數百餘人禦賊村東始猶手刃數賊不一時賊衆悉至瑞珍猶持械步戰移時衆寡不敵與其父明雲同被害至今忠義之概

猶嘖嘖人口

同時被害者
悉載於左

加凌雲字翀霄邑庠武生張家莊人慷慨好義同
治三年春間禦賊被害

張淑身字善世邑庠生張家莊人篤謹老成同治
三年春間禦賊被害

張淑魁字奪元邑庠生張家莊人爲人忠厚平善
同治三年春間禦賊被害

呂士林字多材崇賢村人慷慨多大節同治三年
春同第士傑子致祥倡率禦賊於張家莊村東

同被害

張鳴鳳字岐山邑庠生景福村人學品兼優年八十五歲同治三年春流賊突至鳴鳳勸衆助張瑞珍禦賊同時被害

賈立坊武庠生上里屯人同治二年三月間流賊自北南竄過上里屯立坊率鄉衆逐賊被以槍刺其腹不能起猶罵不絕口而亡

武生

李全德

生員

劉明德

武生

趙暄

民人

張成保

張景書

又名儒修

張濟公 張愛成 張成命 張全喜 陳遂正

吳財保 張三命 張利子 又名光理 張五命 張景春

張景士

張二仁

張耿

又名聰

張勤爲

又名金

張長春

張聚文

張光明

張黑子

張造保

張記小

張滿成

張懸珠

張還成

張善重

張二喜

張桃氣

張僧路

張二黑

張嘴子

張復命

張光心

張中興

張鳳相

張滿對

張課心

張玉考

張二間

張復平

張玉書

張仁生

李明成

張景發

張致富

張玉貴

張儉生

張磨頭

張苟子

苗一氣包

苗降白

以上俱係張家莊人

呂士傑

呂致祥

郝成子

郝冬保

郝堂子

郝現子 郝廷升 郝洛穩 郝大黑 郝四魔

郝玉 常天成 常三福 常五穩 常銀

常廷升 常補穩 常瞪眼

以上係重賢村人

王二仲 王文山 孟俊彥 孟根成 李孚闌

武二合 李連會 倪六 孟二白 孟成

焦苗住 翟狗 李鳳鳴 李正月 李二連

李致和 孟大黑 孟俊良 孟三合 何中德

李喜全 李桂辰 倪二羅 李二磨 李小五

孟黑小 李四 宋二黑

以上係南汪店

趙清連 趙告告 趙明德 趙見年 趙儂妮

張二妮 張喜全 張進孝 張不浮 張琴

朱永太 朱起太 朱七子 郝過河 郝俊杰

二摩 胡大摩 李升堂 李大三 高見年

高二小 高夸德 陳三妮 陳士傑 陳中全

陳雙全 陳二小 陳明明

以上係景福村人

田根元 田俊小 田法保 田成元 田雨云

郭中 孫稜子 賈夾氣 魏奉 郭南看

郭元 高興子 劉長壽 孔林有 王國體

王大清 王浪叫 謝玉良 張五眼 李遂保

李桂花 李德 李假妮 李二小 吳小

翟忠爾 王二妮 唐盛德 唐慎德 楊保

王邦杰 李降成 馮白子 劉二小 尚骨欽

陳考小 馮秀成 劉趕年 齊玉天 韓有名

韓二珠 郭俊英 郭林元 成名 王明義

張文秀 王年 王雷元 王六狗 王五云

賈四廷 賈堂保 苑明堂 苑伏成 張拴保

張七 豆如心 王起名 王各大 王五

班二小 班三 王書成 王滿喜 李福亮

李祥爾 胡頭 幼女_三 幼女_二 集孫氏

以上殉難紳民婦女共二百零九名

人物志

流寓

流寓之志曷昉乎昉乎春秋之有寓公耳自古英豪志在四方每託迹於山川抒發其識見涵養其性情遂有久而忘返之志君子之至於斯也山川亦爲生色其人其事詎可沒耶志流寓

周

李曇字貴遠戰國時以功封趙柏人侯入秦爲御史官至司徒卒葬柏人西生四子崇辨昭瓊瓊

子牧爲趙將封武安君其後子孫蕃衍爲柏人
著姓

後漢

義勇伯周倉寓居柏人城北臥牛山驍勇絕倫先
隸黃巾張寶部下建安五年關羽自 如冀倉
歸焉後守麥城聞羽難與參軍王甫俱死相傳
墓在霍莊東北有題名石

晉

楊宣字宏猷漢太尉楊震八世孫咸甯中除長史

以軍功封懷鄉侯永嘉元年除趙郡太守晉祚
失統宣赴帝難世亂未得還鄉遂家柏仁永初
三年卒年七十二葬縣東北其後居山南村

五代北魏

彭樂字興樂安定人驍勇善騎射以軍功進爵汧
陽郡公食邑一千八百戶愛柏仁山水遂家縣
西北之彭村

唐

常來太原人流寓柏人器韞風雅威若神明雖書

劍絕羣而高尙不仕大定元年卒年七十一今
墓在縣西北

元

許衡河內人嘗與孔璠遊後璠致仕東南岡建奉
聖祠延衡爲師教子弟故衡坐皋比於此者數
年至今奉聖祠中尙設主以祀衡云

虞集號邵庵臨川人嘗設教唐山之孔岡作奉聖
祠碑記今與許衡並祀

馮子振東海人號海粟道人至正間館於邑人高

質夫家與韓安世友善所撰關王廟記其文麗藻膾炙人口事見碑陰

明

凌雲號東岫浙江人嘉靖庚寅寓唐山善詩賦所作有唐山賦見藝文

劉光彩字伯闇號養充其遠祖寬明初入籍內邱而家於唐山之彭村光彩性方嚴少奇貧刻意讀書天啟甲子舉人崇禎丙午授平陽府司理以執法見惡謫陝西臬司檢校尋復漢中府司

理遷大同府司戎所在有政聲

蕭黃中字通甫遼東人崇禎間任唐邑教諭遂家焉長子時彥字鶴林中崇禎丙子舉人

國朝

王束帶字華明本性束父九疇司訓唐山將卒託於王氏帶少嗜學立身樸慎舉動不苟丁酉鄉薦五十四歲卒姪啟宗蟬聯甲第皆束帶課讀後歸彰德

孫煥字見章天津衛人吏部孫北海之孫任唐邑

教諭因家焉其墓在城東

人物志

節孝

自柏舟咏詩列女有傳而女子亦遂得流輝史冊矣宋儒又云餓死事小失節事大而女子益知從一之義守志完貞後先暉映不一而足至捐軀徇節強暴難污非發微闡幽者急宜表彰哉茲就舊志所著採訪所及敘而錄之其光昭日月志懷冰霜者庶足羽翼名教激勵斯人也

志節孝

魏李氏

邑人盧元禮之妻元禮卒氏欲殉葬既念姑與孤兩無所托於是勉就飲食于母崔廢歸甯日禮有之未亡人不得出中閫也母崔終於洛陽李奔喪攀櫬號踊遂卒有司以狀聞追號貞孝女宗易其里爲孝德里

崔氏

李叔印妻武邑太守崔辯女有淑德兄國子博士景儁女亦明慧眇一目內外莫有求婚者其家議欲下嫁崔聞而悲曰吾兄盛德不幸早世忍令此女屈事卑族乎乃爲子翼納之時

人歎其義識

宋趙氏

進士李章妻事舅姑至孝閨門內不嚴而治年六十餘而卒

明李氏

舉人李雄之妹歸馬瑾瑾卒李年二十五歲生二子長日衡次日健方五歲其親誘之再嫁李嘆曰吾有二天平甯死不爲也遂誓不茹葷酒躬紡績教健讀書卒成大

儒嘉靖中
詔旌其門

張氏

邑庠生陳治安妻安將應舉得奇疾張日侍湯藥形容爲削因謂夫曰有如君不起吾必與殉治安慰止之不少變及治安屬續張乘家人倉皇不爲備自縊死知縣王嘉麟哀其貞烈賑之粟帛轉聞表揚治棺合葬焉

王氏

國學生張大紳妻大紳卒於京子甫二歲王扶柩還葬其妯娌誘之改嫁曰汝適人而吾育汝子則汝有托而子亦不失產業此兩利之事也王厲聲曰吾夫雖死而幸有子則吾之托在吾子也此子吾自育之豈煩汝育乎遂隻影終身撫子成立知縣張天祿扁其門日柏舟誓守

劉氏

邑民胡廷臣妻廷臣沒劉年二十四生子一貧如洗惟紡績度日撫二子俱成立

遺從師讀書季子濟由歲貢官教授有賢聲則母之教也知縣李應奎扁其門曰甘

節貧抱

龐氏

祝天眷之妻天眷沒龐年二十有一一子四歲一爲遺腹撫育二子誓守終身而二子皆成立撫臺宋公鍾扁以旌之曰都臺旌節

李氏

邑民王鳳岐妻鳳岐卒李年方十八歲遺孤學始七閏日李辟踊號泣糜粒屏絕者數日誓以死殉夫兩親及戚里咸哀而諭之日汝以一死謝夫於計得矣其如呱呱兒何孰若撫孤而守以延夫祧之爲愈哉李乃勉就飲食克勤厥家甘貧自守以草木爲食卒撫孤以成立比諸孫羅膝下時猶於朔望捧夫主以垂涕洟可追跡女宗而後先輝映者矣卒年七十有九屢蒙院道給扁旌表

劉氏

生員王鼎妻鼎卒劉年二十一歲卽縊於棺前鄰婦救活繼姑徐氏迫之再適劉以死自誓孀居終身知

縣鄭報上旌其門

王氏

承差孫守業妻守業故氏年二十五長子應奎五歲次子應選遺腹氏撫育兩孤艱辛萬狀稍長督課讀書一時雙入

泮張同知旌其門曰苦孀訓子

張氏

王煒妻夫故氏方二十二痛夫無子夫亡絕粒數日志以死殉迫於翁姑苦勸勉就飲食苦節六十餘年臺

司扁其門曰柏舟矢節

孟氏

生員李宗孔妻宗孔卒孟年十九家甚貧奉孀姑育孤子皆取之紡績中卒完其節按臺方元彥扁

其門曰貞節

張氏

邑民李應夏妻應夏卒張年二十遺腹生一子舅姑年老臥病五歲張竭力奉養無

郭氏

怨言撫子成人家貧力作食麤糲志不少渝知縣鄭扁其門曰苦節可風
儒童卜時隆妻隆早卒氏二十四歲子女俱無屢遭凶荒糟糠自咽之死靡他卒年七十按院旌日勁節可風

韓氏

慶陽府同知妻事姑至孝愛姪如子遭兵變夫亡家破凡夫所遺殘產因三世同居子姪均分年近八旬猶紡績不倦

秦氏

故民張正卿之妻卿有大志未就而歿氏少寡家奇貧疊遇災荒撫子櫛紡績以供讀書每訓之曰公卿不盡出於富室其無忘爾父之志未幾長子樞早逝及梅少長家業愈衰而貧苦愈甚矣遂遣子就食讀書於燕撫孀婦孤孫慈嚴並用恩義兼濟及其孫翼洙少長亦遣從叔讀於燕當此之時一姑一婦熒熒相依且兵火相仍

患難流離。里族黨未嘗不憫其苦而悲其窮也。氏乃自解曰：人之遭際，天實爲之。夫又何尤？後數年，叔姪相繼而遊庠矣。復相繼而食餼矣。氏乃諱其子若孫曰：雖不獲顯大門戶，而詩書相繼，爾祖父地下之心，其少慰矣。見其幼孫翼洙，曾孫柳，稍知讀書，氣質非俗，復自喜曰：吾家繼起有人。五十載撫育之勞，其無負矣。至順治元年，年八十一歲，無疾而終。後其子梅舉孝友，由貢生授祁州學正。其孫翼洙，以碩德爲衆所推舉，鄉飲上介。孫尊洙亦以孝舉，曾孫柳補邑庠廩生。孫玃補郡庠廩生。要皆氏餘澤之所被，遺教之所留也。崇禎九年，按院李顏其門曰：貞操風世。

朱氏

卽秦氏長婦張樞之妻也。二十二而寡，子翼洙甫五歲，叔梅家貧不能讀書，遂託母於嫂而遊學於都門。氏上事孀姑，下撫幼兒，災澁兵火禍難相尋，衆皆爲氏憂之。而

氏處之怡如也及其子稍長亦從叔學於
都門兩世母子天各一方伶仃孤苦有爲
恆情所不堪者氏乃益艱貞紡績以供甘
旨其奉養之謹垂四十年蓋老而彌篤焉
其後叔梅補邑庠廩生其子翼洙補邑庠
廩生坐鄉飲介梅子尊洙亦以孝舉長孫
紳補邑庠廩生次孫補邗庠廩生曾孫謙
業儒是一家之中詩書相繼節孝成風皆
氏一人維持之力也崇禎九年與姑秦氏
同時舉節按院李扁其門曰一門雙節兵
道秦扁其門曰貞節本縣扁其門曰貞節
維風本縣李題其門曰一門雙節婦萬古
兩生人嗟乎世之季也卽世家大族之中
時移勢變降志辱身者指不勝屈若夫以
一婦人處艱難困苦之中上無所諉下無
所代而能植兩間之正氣任一家之盛衰
愈挫愈勵愈艱愈貞如
朱氏者蓋不數觀云

國朝劉氏

平陸知縣胡承志妻承志故氏持家訓子不愧古貞按院桑雲給扁曰保孤完貞

郭氏

儒童鄭一奉妻年十五而歸奉甫八月而奉亡子女兩無深閨守志雖兄弟親戚亦罕睹其面焉歷年

五十九歲而終

李氏

故民張采妻采早天子女俱無氏守節以麥糠榆葉爲食歷年八十餘歲卒

張氏

王國柱妻國柱疾天氏痛夫亡越三日殮畢大哭再拜縊死柩旁

張氏

牛嗣宏妻夫亡氏奉姑教子始終如一卒年七十七歲

祝氏

武生魏國輔妻年十六歸魏門不踰年國輔故臨終相抱而哭氏卽以殉誓公姑知

百計防鬪數月不遂其志氏卽不食一粒越七日死

崔氏

貢生郎保邦妻保邦卒氏年二十六歲奉姑至孝教三子俱列縣庠卒年六十九歲

何氏

祝興妻夫故誓以死殉絕粒者數日鄉鄰苦勸後勉力紡績養老撫幼竭盡霜苦

郭氏

張四端妻端早卒遺二子最幼氏歷奇苦大變三十年之死靡他撫教成名封孺人

馬氏

趙完璧妻年二十二完璧故氏號哭數日幾死後念一子在懷勉力撫養後遇寇賊

持刀逼氏厲色拒之不辱歷奇窮

王氏

廩膳生張至教妻至教早卒無子苦節以老萬歷朝奉旨建石坊旌揚節孝

張氏

趙三畏妻三畏早卒無子孝養孀姑備極辛勤壽八十餘歲臨終手造飯饌呼其堂

曾姪孫環坐飲食囑咐無絕其父母墓前

焚化錢紙從容而逝天啟間旌表其門

趙氏

張彥方妻崇禎初年彥方病卒之夕棄孤號泣曰天塌矣何用生爲遂懸窗櫺縊死

縣公庠師親祭於墓涕泣治衣襯

觀者如堵卽前節婦張氏女也

趙氏

段妻遭兵變夫遇害逼氏上馬氏抗節不從旋亦被害

韓氏

張養厚妻厚卒氏二十四歲紡績度日歷奇窮四十餘年並無他志鄉里稱其苦節

趙氏

庠生王光裕妻光裕早卒氏年二十五歲教子成名年已七十歲

郭氏

庠生張典妻典卒氏翁姑年邁子方弱釋歷兵寇饑荒貞節彌堅以織紡殯葬翁姑

教子成名閭里稱之年已七十五歲

張氏

李春萃妻年三旬夫遽亡悲悼幾自殞念翁姑無倚勤紡績以供親膳父母欲奪而

嫁之氏之死靡他勺漿不入口者七晝夜救之獲甦本縣申請按院邵題額扁曰

完節可風壽

七十九歲

梁氏

生員陳大經妻年十四歲而歸大經二年生子誠意而大經卒寡姑崔氏年七十時

家徒門壁叔大綸抱玉未售氏躬紡績上
事寡姑下撫孤兒歷凶荒病疫兵戈接攘
未嘗少衰及誠意長教之讀書入庠意又
以家貧客死都門氏撫其遺腹子日食
糠粃樹葉窮苦人所不堪而氏處之淡
如也守節五十餘年見年七十三歲

弋氏

李時平妻遼州知州弋遠孫女也十七歲
適李門夫亡無子甘心待死歷凶荒兵
火亦心不易卒年八十一歲孀居
六十二年惟以命自安毫無怨言

王氏

明延安知府雷震八代孫生員雷彪之妻
彪卒無子氏年方三十上奉孀姑下撫孤
女紡績度日備極艱辛

甘貧守節尤人所難

馬氏

王建都妻夜被盜時建都出外氏孤身居
室料家貧不能如賊意恐被污遂自縊亦
可云烈諫垣孫
給扁曰俠骨香

秦氏

難印之妻

檀氏

路芳之妻

王氏

張元麟之妻

霍氏

李珍妻武臣思敬母年十七適珍安詳寡言恪守婦道居舅姑喪晝夜墳側思泣三年未嘗見齒

九十四歲卒

羅氏

趙鳴冬妻事舅姑以孝聞年二十夫故苦節撫孤知縣李應奎以狀聞

徐氏

田儒英妻歸七月夫亡越六日殉柩前時有一聯贊云殺身成仁赤心還乾坤正氣

舍生取義白練繫宇宙彝倫節墓碑

馮氏

賈榮妻少寡教子業正業超俱入庠業正娶馬氏業超娶李氏未幾二子繼亡業正

遺一子尚在襁褓姑媳三人同心撫養成立知縣莊際盛扁其門日兩世三貞

衛氏

貢生郭如岳妻鳴贊衛用孫女舅姑卒哀毀異常如岳以思親致疾卒氏絕食而歿知縣陸宗龍旌之士大夫

孟氏

原開之妻年二十夫亡子亦天氏絕食以死誓其姑泣日若舍我乎吾將先汝去矣氏乃強飯撫姪儒襁褓中爲嗣少長就傅以織衽資膏火弱冠遊庠苦節以終

王氏

張輝妻家貧姑命採野蔬有強暴侵之義不辱遂遇害知縣高舒旌之

朱氏

牛道遠妻年二十二而寡無子以紡績奉姑甚謹養姪士靜爲嗣教之遊庠知縣高

針旌

丁氏

祝府兒妻適三載而寡伯父欲奪其志氏知之晚飯畢與家人同紡績夜分闔門自

繼

王氏

原登榜妻榜兄弟三長登魁夫婦俱死遺
二子一在襁褓仲登科以年荒攜妻出榜
亦尋卒有寡母七十老病不能移或勸改
嫁氏曰老幼無倚我去則皆死矣以姑商
俱落氏嚼以哺之撫二姪以次授室後仲
之子歸氏謂二姪曰今當以萬難後得遇
兄弟爲幸薄產不足計共居若同胞

王氏

李寬妻夫亡孝事姑教子
成名雍正十三年旌表

冀氏

趙崑璧妻孝事舅姑夫亡號痛欲絕姑以
子女未成立感之始強食乾隆十年知縣

王文綱詳
請旌表

萬氏

李兆麟妻夫亡二子尚幼家甚貧姑老且
病事育俱出織紉教次子知遊庠乾隆十

年旌

表

喬氏

生員張玉名妻守節四十四年翁姑年老紡織以供甘旨歿後喪葬如禮撫孤成立

乾隆十二年旌表

孟氏

李夢麟妻年十七而寡事老翁夫弟幼撫之成名繼姪爲子乾隆十二年旌表

張氏

張九福妻年二十二而寡家甚貧姑欲令改嫁不從以紡績事姑撫遺腹子苦節二

十八年其夫弟亦早

亡娣王氏相繼守節

劉氏

韓存智妻年十八而寡無嗣父母欲嫁之不從事舅姑以孝稱知縣旌其門

崔氏

庠生張元麟妻麟從學趙問源自在歸痛二親遂自縊氏年二十一子女皆無撫

姪縣宗成立爲娶婦李氏未幾縣宗歿遺

孫虎韜方二歲李年二十亦誓守如氏崔

壽八十李壽
七十而卒

王氏

孟哲妻年二十二夫亡誓死守志過族子承嗣守節三十年

氏

王成章妻夫故遺子甫二歲氏事翁姑家貧甚苦節四十八年

陳氏

曹維勤妻年二十夫亡無嗣家甚貧苦節現年七十

段氏

廩生趙希鼎妻夫故子濬甫二歲事誓不離左右及歿喪葬盡禮訓子成名年六十七乾隆十五年旌表

蘇氏許璠妻唐山人年二十六歲夫亡事舅姑

能得其歡心舅歿姑病事之愈謹飲食起居

必躬親之典鬻釵珥經營喪葬撫孤子成立

守節至六十一歲

雍正十年請

旌表

按書先釐降重觀型也禮男女七歲不同席教於蒙也詩三百篇以關雎冠風之始化之原也故劉向有列女傳李鍾僑有節孝見聞錄其所著者或慷慨捐軀或從容就義事非一致皆厲志冰玉流芳彤管者也門內有貞淫邪正而一家之興廢係焉傳之之難而大有功於世教也名門巨室採摭尙易草野貧窶者幾於湮沒無聞唐山爲陶唐故都風俗淳厚有古遺風士尙氣節而女子輩敦慈孝而重廉恥者更多然闕畿輔通志節烈門祇記唐邑二婦趙氏張彥考妻爲夫捐軀縣志已載如前蘇氏縣志未載就此一節觀之已入省志猶且遺之而窮鄉僻壤中之矢志貞守者不知幾凡但搜採不廣卽有遺之之憾此次修志將蘇氏冠諸節婦於簡端

庶潛德幽光不終磨滅也傳文仍舊

宋氏

廩生許蕃之妻

李氏

邑人賈業正之妻

馬氏

邑人賈業超之妻。以上係康熙年間人。

上三節婦已經旌表建坊入祠

高氏

高騰蛟女適齊法八年法故氏甫二十三歲遺子僅週年貧甚有勸改適者每嚴詞

以拒晝夜紡績事老翁撫幼子四十餘年以苦節終

劉氏

劉文堂女適聶思忠六年夫故氏時二十三歲欲殉水漿不入口者數日經親屬勸以侍奉翁姑大義乃飲食有勸改適者卽痛哭以紡績糊口自奉淡泊事翁姑必竭

力不肯從儉守節三十餘年鄉里無間言

張氏

曹廷重妻年十五子歸九年夫故子方十一日撫育幼孤冀其成立詎意子二十一歲又少亡孫幼並勸其子婦李氏守節撫孤一門稱雙節焉守節四十餘年鄰里咸稱淑德

李氏

李雲亭女適曹長根氏二十六歲夫亡姑孀子幼有諷以改適者氏曰吾姑守節數十年無異志吾不肯以失節辱前人孝順孀姑育養幼子二十餘年與姑並稱本縣儒學顏其門曰雙貞濟美

卜氏

卜成功女適韓清民僅七月而夫亡時氏年十八歲有以年少改適諷者氏每以義命自安善事舅姑養葬循理年近八旬閩鄉紳民公送扁額曰義全貞順

郎氏

郎中和女適孔廣義氏二十九歲夫故守

閨訓不飾容止孝翁姑和妯娌三十餘年

人無間言鄰里公

張氏

張賢德女適儒童盧鈺僅二年而夫亡氏

年十九歲止有一女哭泣幾絕及至葬跳

入穴內誓以身殉經親屬婉勸以上有翁

姑下有幼女乃止隱忍以生誓不再醮守

節三十三

何氏

何福龍女適曹起鳳氏二十八歲夫故喪

殮不給度日雜艱親族有以家貧可以改

字勸者氏拒之曰士窮見節義婦人

何獨不然堅守至八十餘歲無間言

祝氏

祝芳名女適儒童武振綱越二年而夫故

氏年十九歲子女俱無哀毀異常誓不復

生轉念翁姑年老無人奉養勉就

飲食孝養翁姑守節四十餘年

石氏

庠生張發雲妻氏二十六歲夫故哀傷成疾幾不欲生繼念夫弟方九歲特養無人乃自勸勵奉養苦守三十六年現年五十七歲

吳氏

文童馬廷用妻氏二十八歲夫卒子女俱幼姑老且病誓欲殉既念老幼無托勉就飲食後子慎思讀書入泮悉氏教訓之力守節近三十年而卒時稱姆訓可風李占魁妻氏二十四歲夫故無子女夫弟二人屢逼改嫁氏以死誓孀居四十六年

李氏

以貞節終

宋氏

張經邦妻氏二十四歲夫故無子誓以身殉經孀姑以奉養勸諭氏乃止後姑因哭子失明氏與姑同屋處出入扶持維謹守節三十七年而歿咸欽闡範焉

田氏

儒童王令學妻增生田德裕女也年十五歲歸令學甫一年夫故氏年十六歲無子

女氏因年少每以堅貞自矢事翁姑勤謹
翁姑歿夫弟尚幼氏撫育教訓弟賴以成
名婦兼子道嫂盡兒理苦守
二十年而歿宗族稱貞孝焉

聶氏

何文德妻氏二十五歲夫故子幼夫妹方
四歲夫弟三月俱無所託家貧甚氏恩勤
撫育艱苦備嘗姝弟賴以
成人守節三十五年而歿

張氏

南樓村馮祥妻氏二十二歲未故其父母
因夫家貧無子欲令改適氏日人生有命
甯清苦無失節奉翁姑以終天年他無可
慮苦守二十餘年以節終鄉里咸頌淑德
任俊妻氏二十八歲夫故氏念婦人以節
義爲重且上有老親下有子女皆已責未
敢遽以身殉守三

郎氏

十三年以節終

徐氏

增生馮韶妻庠生徐汝霖女也氏年二十
八夫故寡傷致疾因親老無人奉養乃節

哀廢變孀兼子職數十年如一日守四十年其子希和品行端方其孫善少年入泮皆氏孝德之所致也

田氏

胡振德妻于歸甫三年夫亡氏年二十歲無子女因翁年近七旬夫弟尙幼氏奉老

字幼堅貞自矢苦守

三十四年之死靡他

王氏

張興宗妻庠生王鵬舉女也氏年二十四歲夫卒家貧無子以胞姪爲繼子紡績度日訓子讀書入邑庠未幾子妻早逝遺幼孫衣食皆氏操之復令讀書亦入邑庠未幾而孫媳亦早逝留曾孫僅八月氏撫育成人知縣英公請旌表入祠建坊給

扁曰苦

節可風

董氏

監生邵聞善妻氏二十九歲夫故子幼伶仃孤苦家業貧甚氏立志堅守保孤完節

年四十一歲。以孝聞。知縣。用公旌其門。日節孝。以孝聞。知縣。用公旌其門。

四年探訪

王氏

韓解村李南華繼妻。邑庠生王錫三女。二十四歲夫故。因孀姑在堂。無人奉侍。隱忍以生誓。不再字。撫前子成立。後子又乏嗣。又撫堂姪孫。爲嗣。卒年九十歲。

王氏

李明德妻。二十五歲夫故。晝夜哭泣。水漿不入口者數日。經氏母以孀姑垂老。勸乃就飲食。有之死靡他之志。現年六十八歲。

劉氏

北樓村王敏妻。于歸甫二年。夫故。年十九歲。堅貞自矢。風節凜然。守節四十年。初終如一。旌。

李氏

王賓妻。二十五歲夫故。止遺一女。氏偕女與姑同寢處。養老撫幼。曲盡其心。現七十

三歲鄉里

無間言

馮氏

周爾保妻夫病篤以父母無依托氏陰
慟之而陽慰之既夫故生事死葬竭誠盡
禮以全夫死未盡之孝守節三十餘年如一日現年六十歲

魏氏

武振山妻年二十五歲夫故矢志
守義苦節四十二年而歿己

旌

宋氏

田澄清妻隆平縣貢生宋廷中女夫故時
遺三子俱幼氏丸熊畫荻教養備至後三
子俱入邑庠皆氏力也守節三十餘年
而終

以上七節婦同治十年採訪

尚氏

儒童孟繼芍妻武生尚興懿女氏二十歲
夫卒夫病篤子甫數月亦病其夫慰之曰
吾病危兒又難保儻吾死兒殤無妨改適
氏以死誓曰若有他志天地殛之及夫亡
氏培蘭玉於庭前衍桑榆於堂上孝慈兼
盡子廣淵入邑庠守節三十一年現五十

六歲

李氏

翟祥雲妻年二十五歲夫卒遺一子僅數月氏紡績事親勤儉守義子稍長卽命讀書

有孫復命從其父讀氏年八旬孫入邑庠見曾孫亦命讀書壽八十一歲無疾而終

劉氏

廩生戴玉衡妻年二十六歲夫卒止遺一女備歷辛勤矢志靡他苦守四十二年現

年六十八歲

李氏

李元吉妻年二十一歲夫卒遺子長春尙在懷抱守身矢志撫幼裕後孀居六十七

歲而

歿

胡氏

武生李玉林妻年二十六歲夫故子清泰尙幼鄰里有勸改適者氏嚴拒與絕來往

矢志堅如鐵石卒致家業日盛子入邑

庠守節五十二年現七十九歲己

進

姬氏

李思溫妻年二十歲夫卒遺一子甫六月家赤貧克勤克儉雖蔬食必先翁姑而後飼其子翁姑稱賢孝人無間言

守節四十二年現年六十二歲

張氏

孟繼蓀妻年二十三歲夫卒遺一子有殘疾氏矢志守義倍加撫育爲夫留一綫之延奉養老姑體恤周至猶日勤紡績冀

子成人守節三十二年現年五十五歲

黃氏

儒童李文山妻邑庠生黃廷華女夫卒氏年二十一歲子邑庠榮春僅二歲翁姑老且病白頭黃口養之長之諸多艱窘氏老

慈兼盡苦守三十餘年無異志其妹早寡

亦能守義時

稱姊妹雙節

王氏

張德瑞妻年二十二歲夫故子幼氏青年守志至老不渝撫孤子居敬成立年七十

歲而

守四十餘

年而歿

紀氏

西良村武能成妻年二十三歲夫故親老子幼艱辛萬狀氏竭力長養子軍衛入邑

庠孫從林入府庠曾孫全德郡庠生元

孫克承業儒五世同堂年九十歲卒

蘇氏

西良村劉福之側室年二十六歲夫故孀婦盲目氏加意曲承無怨言撫遺腹子成立家貧無依氏操井臼啖糟糠數十年鄉閭無間言後子得衆入庠氏年八十二歲

卒

鞏氏

木花村儒童李壩妻年二十歲夫卒無子女撫姪天德爲嗣勤織紡孝翁姑守節六十餘年壽八十歲而卒乾隆

五十年顏其門日節懷冰霜

孫氏

田芸生妻年二十歲夫故遺二子同幼氏撫育成成立次子入邑庠守節四十餘年志

凌冰

霜

李氏

廩生任之貞妻年二十五歲夫卒一女無子家貧甚有諷以改適者氏以死誓事翁

姑以

孝聞

王氏

廩生陳達春繼配內邱邑庠生王盛德胞妹也結褵四年夫故有前妻所遺二女一

子俱幼氏撫孤孝親三十餘

年兒女成立鄰里無間言

張氏

澤畔村府庠生王錫疇妻年二十九歲夫故家貧無子事繼姑以孝聞夫弟尙幼氏

勤苦冀其成立後弟亦卒遺一姪

氏撫之如己出王氏嗣賴以不絕

申氏

安塚村李天義妻結褵甫三年夫卽逃亡在外氏屢令人尋找至四十餘年無音信

氏一女無子念夫在外奉養翁姑克盡

孝道又慮嗣絕撫近支姪如己子成立

馮氏

馬過冬妻年二十餘歲夫故無子氏安命苦守持志不搖能孝翁姑和妯娌節比柏舟三十餘年

以節孝聞

高氏

南張莊張修身妻年二十三歲夫故矢志守節撫女成人現年七十三歲咸稱貞節南張莊張隆先妻年二十八歲夫故遺二子俱幼矢志苦守撫子成人現年六十歲

咸以節

孝稱

孟氏

景福村張興妻年二十九歲夫故家赤貧子女俱幼翁姑皆八十餘歲氏孝事維謹撫幼成立現年六十九歲

馬氏

南樓村武望保妻于歸時雙親已老甫一載翁姑俱歿夫幼葬埋皆氏力未幾夫亦亡氏青年立志堅節自持撫女成人後以苦節終已

旌

王氏

儒童牛鴻儀妻年二十二歲夫故子女俱無事孀姑定省不缺不數年夫弟二人皆

亡姊姪亦逝孀數年但幼氏長養教誨如己子後嫁活然素然均入序斐然習騎射

家聲克振咸氏力

也現年五十五歲

張氏

訓導李鑫妻年二十九歲夫故氏欲殉經翁姑勸乃稍解二子一女俱幼上孝翁姑

下撫子女艱苦萬狀誰長子鳴玉甫成立又早卒翁亦亡老姑孀婦兢兢相依雖有

次子鳴廷幼孫申宗而氏遭遇之艱不可盡述邑侯顏其門曰育孤完節府憲

顏其門曰

節賢孝慈

劉氏

邑武生劉明魁妻氏十九歲于歸甫三歲夫故遺一女家貧甚氏勤紡織孝翁姑

食糠菜苦守無異

志現年五十五歲

劉氏

西良村庠生王大年側室年二十九歲夫故氏無子女撫嫡子泮林成立入邑庠備嘗艱苦誓死靡他紡織奉嫡敬謹事姑鄉里以節孝著現年六十八歲

李氏

西良村儒童李百祿妻年二十二歲夫故遺子維新尙幼勤儉和順善事翁姑堅貞自持孀居五十年始終如一現年七十二歲

王氏

雙碑村郭常城妻年二十七歲夫故遺子文鼎甫四歲事翁姑撫幼子艱苦備嘗以節孝聞現年六十九歲

宋氏

尙村張思近妻結褵一年夫卒氏十八歲老姑在堂久患癱疾氏以奉養之人甘心苦守朝夕不離姑側現年五十九歲

張氏

西良村張元明妻年二十五歲夫故子女俱無撫姪善爲嗣勤儉謹慎久而彌篤守

大家之閨訓育小阮以成村
子入武庠現年五十有五歲

王氏

賈振倫妻年十九歲夫亡食貧事姑勤
織紡以易薪粟心堅金石之死靡他

樊氏

西良村王守成妻生員樊景泰妹也年二
十五歲夫故子女俱無家寒微勤紡織事

寡母沈靜寡言三十年
如一日現年五十六歲

郭氏

潘莊村曹春泰妻年二十三歲夫故氏端
莊和厚事翁姑以孝聞氏夫兄弟四人姑
歿氏撫幼弟成立事繼姑如前及翁去世
氏與諸弟度日勤慎一家賴氏聯屬族黨
稱善因贈扁額

日賢孝可風

劉氏

亦城村張金鑑妻年二十一歲夫故翁姑
在堂孝養備至遺子鴻儒甫數月賴紡績
撫孤成立鴻儒英年入邑庠孫亦
業儒鄰里稱譽現年五十七歲

高氏

西良村李福壽妻莊重勤儉因婆母性清乖戾逼令大歸富室聞其德有求再婚者氏以死為李氏鬼拒之因借宅自居賴紡績糊口及夫歿哀毀盡禮三十年以義命

自安現年

五十八歲

李氏

良村程丙寅妻年二十餘而寡姑老子幼氏親操井臼忍貧守義養姑教子鄰里無

言問

烈女張氏

許配韓換保為室未娶其夫外出無音耗其兄迫使改字女曰吾已有夫豈能他適若以妹為不利即將妹送至夫家夫終身不歸妹安命以待兄不聽虐遇之衣食維艱因與兄分爨紡績糊口兄無奈竟別許他人親迎有日女偵知是夜自縊時女二

十歲事在

同治元年

張氏

西良村樊假妮妻性貞烈因婆母不正屢以正道勸止婆母銜且恨卽令諸惡少誘以塞口氏偵知於是夜自縊以明志後氏兄控縣冤未得伸卽含糊了案沈冤泉壤

無人憑

弔惜哉

姚氏

西良村李柴溝妻年二十九歲夫故赤貧無子女撫姪會靈爲嗣憑女紅度日零丁

孤苦堅守三

十年無異志

李氏

南關李元吉妻年二十一歲夫故遺一子甫三月事翁姑孝謹撫幼子成立紡織自

奉守節六十九

年而終旌

馬氏

郭賈村王補妻年二十四歲夫故無子女擇族姪爲嗣勤女紅以孝養翁姑堅守四

十餘年現

七十三歲

馬氏

劉順德妻年二十九歲夫故遺一子甫三歲姑七十餘歲老且病氏扶持孝養無怠容姑故後殯葬以禮荻訓孤子成立苦節二十餘年族黨無間言

李氏

郭賈村王元德妻年二十四歲夫故氏僅生一女擇族姪承嗣苦守四十餘年以節終

王氏

郭賈村文童郭令聞妻年二十六歲夫故子女俱幼事翁姑敬謹以孝聞後教養子女各成立年七十四而卒咸謂有陶孟遺風

田氏

北村謝同妻年二十六歲夫亡事老姑誠謹撫姪萬青爲嗣矢志不渝堅守五十餘年而卒

李氏

西侯村文童田榮妻年二十二歲夫亡子女俱無家赤貧氏哭泣至氣絕經親屬

以翁姑老夫弟幼無人奉養勸解氏始就
飲食親操井臼孝養雙親後撫幼姪爲嗣
守至六十

一歲而卒

王氏

崔莊村蔣四妮妻年二十歲夫故無子女
撫姪嶽爲嗣勤儉孝敬莊重寡言現年五
十三

歲

郎氏

石村原夢鳳妻年一十九歲夫亡以翁姑
無人奉養氏代子職三十餘年以孝聞撫
姪成立之死靡

他咸稱節孝

原氏

儒童郭俊英之妻賊匪竄擾氏夫率鄉衆
禦賊遇害氏痛夫死非命奮不欲生親鄰
抱遺孤慰勸謂氏死則原氏一綫之
延絕矣氏乃強就飲食保孤完節

裴氏

民人李九思繼室氏年二十六歲始適李
甫二載夫故養翁姑撫前室子女孝慈兼

盡守節五十餘年

鄉里稱賢德焉

張氏

武生王麟定妻氏年二十八歲夫故妾常氏甫十餘歲上無翁姑下無子女姊妹同

心守志闡範極嚴三十餘年均

無異志一門雙節遠邇嘉之

沙氏

李楓村妻年二十九歲夫卒無子女家貧姑迫之嫁氏以死誓後姑得病氏事奉數

載無怠容

撫姪成立

鄭氏

生員曹逢泰妻氏年未三旬夫故事奉老翁繼姑委曲婉轉善體親心繼姑子女悉

服其賢至翁亡貧不能葬氏竭力盡禮以

當大事至子女婚配必擇禮教之門守夫

遺訓也現年七十歲

鄉族咸謂貧而能守

郭氏

周村儒童韓清澗妻年二十八歲夫故有遺腹子天成氏事孀姑撫幼子零丁孤寡

艱辛萬狀五十餘年壹
範咸稱卒年八十三歲

郭氏

西夏李希元繼室年未三旬夫故性和平
視前室二子長繼德次繼忠恩養備至如
己出女二咸賴氏撫養間範肅
然勤苦五十餘年現八十一歲

祝氏

李明元妻年二十九歲夫亡事鰥翁撫幼
子家赤貧而志潔如冰卒年六十一歲

王氏

丁繼庭妻年二十六歲夫故上有孀姑瞽
且病氏朝夕扶持無間言有孤子尚在襁
抱氏日操井日夜績紡養老撫孤艱苦

郭氏

備嘗苦守幾三十年賢聲溢鄉里云

張杰妻年二十五歲夫故撫三歲幼孤矢
志守義子稍長卽令讀勤女紅以助資後

子成名守節四十
八年現七十三歲

田氏

武生尚興邦之妻二十九歲夫故奉養孀
姑喪葬盡禮撫孤子成立鄉里顏其門曰

保孤完節現
年六十五歲

路氏

庠生張天相妻夫故後孀姑在堂氏奉養盡孝左右不離鄰里無間言撫幼子成立艱苦備嘗守貞四十餘年奉

旨旌表因顏其門曰奉孀守貞

李氏

王永清妻夫故家貧紡績度日撫育孤子縣尊倪贈匾曰志同金石

申氏

景福村高豹妻年二十七歲夫故矢志守義言笑不苟勤織紡嚴訓子孫長孫欽中

同治丁卯武舉氏

現年七十四歲

張氏

曹廷貴妻年二十三歲夫故無子女撫胞姪爲子勤儉親操井臼現五十六歲

李氏

曹長春妻年二十九夫故一子二女俱幼氏事孀姑撫幼子不辭勞瘁矢志不渝

楊氏

石村原振宗妻二十七歲夫故無子女翁姑老且貧幾難自給氏誓不異志勤儉奉

養又擇繼承祀
鄉鄰稱賢德

楊氏

西董村劉勤妻年二十七夫故家赤貧氏
事老親撫幼子始終不倦教子三省入邑
庠後遇賊匪擾境恐被污辱投井竟日
未死賊去人救出現年七十六歲

郝氏

西里村王建功繼配氏適王姑已七十餘
歲孝事維謹撫室子媳如己出後生一子
夫卽故氏奉養老姑十餘年朝夕不
離守貞保孤數十年內外無間言

張氏

西村賈金鐸妻附貢張明遠室年二
十八夫故無子撫姪雲亭爲嗣孝親慈幼
無惰容柏舟自矢
咸稱節孝兼全

石氏

北樓村耿聚成妻年二十七夫故矢
志守貞鄰里共譽現年六十二歲

孔氏

楊村文生梁玉振妻文生孔憲亨妹年二
十九夫故翁姑老且病氏代子職左右不

厚山縣志
卷之十一
離教子鳳岐成立
現年六十四歲

謝氏

西里村王妻氏年二十歲天故無子
撫幼姪爲嗣守義三十餘年無間言現年

五十

五歲

原氏

北樓村儒童班瑞妻年二十九歲夫故矢志守義躬勤紡績教幼子讀書既入泮猶

督責不已族

黨無不敬服

王氏

南樓村馮金妻性孝順先事姑家貧無資每食必姑食後乃食姑歿兩事繼姑尤敬

謹不怠鄉里咸慕其孝行至待子姪

慈愛之中教以義方卒年八十四歲

孟氏

民人劉之林妻年二十五歲夫故苦守三十餘年以節終內外無間言經儒學詳請

立節櫨

冰霜坊

馬氏

公子村劉順德妻年二十五夫故遺一子甫三歲氏教養成人迨後翁姑繼亡氏經理喪葬盡情盡禮勤女紅謀家務內外

嚴肅苦守已二十七年里黨以賢德稱

張氏

公子村馬慎田妻年二十六夫故遺一女尚幼翁姑俱年邁氏孝養備至親操井臼

晝夜紡績守義幾三十年

無異志族黨咸稱節孝

刁氏

係任邑庠生刁成緒之女南關生員王緒妻也氏年二十八夫故姑老子幼氏孝慈

兼盡矢志靡它勤紡績獲訓幼子讀書其

子成章入邑庠氏現年五十三歲守節二

十五年境愈苦心愈堅

咸以育孤全節稱之

馬氏

東里村暢清雲妻年二十二歲夫故生一遺腹子氏撫孤成立艱苦備嘗守節五十

餘年鄰里

無間言

李氏

東里村文童暢明良之妻卽節婦馬氏之媳也年二十六夫故無子氏撫養子汝霖爲嗣與姑苦守咸以雙

節稱之年七十五歲

曹氏

南寺莊湯麟妻年二十三歲夫故無子女孝事翁姑撫姪爲嗣旣成立供給讀書入邑庠鄉黨

咸稱節孝

高氏

南寺莊湯鶴妻年二十二歲夫故留一幼女撫姪承嗣勤儉治家貞守孀節矢志靡他鄉里

咸稱之

王氏

南小霍馮玉正妻年二十九歲夫故留一子紹閔撫孤成立苦守二十餘年矢志靡他現年五

十六歲

李氏

李伏成之妻年二十三歲夫故無出撫姪爲嗣治家勤儉內外嚴肅現年七十五歲

貞喬氏

係臨城縣明故大臣喬子明之裔孫女也
許配本縣北樓村庠生張玉明爲繼室未

于歸欲明病氏過門守貞之死靡

他請旌表顏其門曰瑤池冰雪

賈氏

南潘庄曹廷用妻年二十八歲夫故無子
祇留二女事親撫幼各盡其道苦守四十

餘年無異志現

年七十四歲

張氏

西山南劉登妻文生張步青之室女氏于
歸甫一年夫即故氏年二十歲後氏翁買

易磁州病故氏盡心竭力扶翁靈柩歸葬

家貧勤儉歷四十餘年始終不渝現年六

十五

歲

宋氏

木花村李玉堂妻文生宋清風女也年二
十六歲夫故祖翁父翁俱年邁賴氏奉養

無子撫侄承嗣守義

數十年以賢孝稱

李氏

張雲鶴妻年二十一歲夫故三子俱幼

而成立

古守

四十七

年現

七十三

歲

歲

徐氏

城中

年二十四

歲夫故

子六

俱幼

家

以終

隨里成以

鄉賓表

鄉飲之禮始於成周儀禮有鄉飲酒篇而禮之節文具禮記有鄉飲酒篇而禮之度數詳漢唐以來亦間行之明初詔天下每歲再行年高有德者居上惰篤次之判其等有三日大賓介賓耆賓尊德敬老中不失鄉舉里選遺意典至隆也志鄉飲表

大賓

張翼洙

詳孝行

王芳

詳義行

牛一宏

詳孝行。○
三人郡志

王成學

字全
尚里人

賈天球

拔貢候選州
判東南關人

介賓

牛百祥

詳孝
行

孟一任

詳義行。○
二人郡志

李文燦

田秉智

字睿
西侯人

張葆元

字壽世
城裏人

張其壽

雙碑
人

王廷傑

吳席珍

南汪
人

王璋

南汪
人

張文林

雙碑
人

劉清紹

石村
人

李汝玉

韓解
人

田德裕

言人 大干

張繼祖

言人 大干

李恆茂

口人 大市

宋 鼇

字占元 北樓人

張興讓

北樓村人

高登瀛

字蓬望 梁村人

卜鳴岡

周村人

高振鷺

梁村人 字子飛 一字序爵

王泮林

西良人

李世英

小干言人

高萬傑

字魁才 梁村人

馬慎思

公子 村人

孟玉泉

睢岡人

樊景泰

西良人

李 齡

彭村人

張清風

字明月 梁村人

谷鳴球

周村人

孟百川

南汪店人

樊恆升

西良人

耆賓

羅景煜

大市口人

劉福祿

尚村人

武振德

楊家莊人

張光遠

尚村人

薛學易

郭賈人

張光照

東尚村人

李從麟

班景煜

張剛

景福人

郭生花

小干言人

王文壽

虎中人

張思聰

東尚村人

張安道

亦城人

高憲章

西尚村人

辛盛德

范賈村人

辛桂清

范賈村人

劉凝

東霍人

李方正

東霍人

祝興和

郭園人

李如金

大市口人

楊大德

楊家莊人

王玉振

大干言人

郭俊選

郭賈村人

原超

石村人

邵廷英

城裏人

曹方玉

東良村人

張儒林

雙碑人

張廷選

西良人

高豹

人

張德林

雙碑人

郭鳳岡

王村人

李恆盛

大市口人

楊憲章

城裏人

李清廉

高村人

張權

周家莊人

王致中

西里村人

張傑

東良人

馮玉清

馮瑞雲

陳百祥

陳家莊人

康思益

曲底人

解喜元

雙碑人

宋振綱

王庄人

馮天仁

南樓人

馮清華

閔振家

郭賈人

許澄智

字知白
南關人

劉青雲

馬登瀛

公子村人

武貴

南樓人

馮純德

南樓人

高耀

良村人

李清玉

趙宏義

大干言人

翟振綱

字領袖木花人性
篤實嚴明崇儒術

張勤德

字有德雙碑
村人性篤厚

武克承

字西良人
性純謹孝慈

賈鴻章

字文煥水
城東庄人

治家
有法